

# Sia Tù

Sia tù lu viaghju  
À l'incontru di a storia  
À stu caminu chjaru  
In l'ortu di a mimoria

Mà sì tù la mio terra  
Sia tù lu viaghju

Sia tù quella fiaccula  
Di le nostre sperenze  
Sempre accese à lu mondu  
Chjara di tutta cuscenza

Mà sì tù la mio terra  
Sia tù quella fiaccula

Sia tù l'alba pagna  
Luntana di li mio ghjorni  
Per chì u sole d'issa stonda  
Fessi nasce i mio sogni

Mà sì tù la mio terra  
Sia tù l'alba pagna

Sia tù lu versu novu  
Di le canzone allibrate  
Pò e voce arrabiate  
Ogni volta più calle

Mà sì tù la mio terra  
Sia tù lu versu novu  
Mà sì tù la mio terra  
Sia tù lu versu novu